

مجموعه سنون

از

جمعیت علمیه عثمانیه

ایکین پنه

نومرو ۱۸

نجدی الآخر

استانبول

جمعیت علمیه عثمانیه مطبعه سنده طبع اولنشد

۱۲۸۰

کند و سنده بر ایوجه طایق ایتشلردر. ساییلر تکدیردن احترازاً
 شو ماده یی بر زمان کم ایتشلر ایسده مذکور قسراقدن تولدایدن
 طایق اعضا سنده فوق العاده تناسب و سیرو حرکتنده کمال
 سرعت اولدیغی کورلدکده وقوع حالی مومی الیه اخبار ایلدینر
 و مذکور طای ایکی یا شنده اولدیغی حالده قوشویه چیقار یلوب
 اول سنده اولان طایرک جله سنده مسابقت ایتش و براز وقت
 مرورنده بونک هر وجهله انگلیر اتلرینه تفوق و رجحانینی کرکی کبی
 اکلا شلمش اولمغله مذکور عرب اتی بشقه قسراقله چکیله رک
 حصوله کلان طایار یکدیگر ندن اعلا چیمغله کند و سیچون
 غایت نفیس و مکلف براخور بنا و ایستمدلی قطیفه اورتیلر و یا قلرینه
 کومش زنجیر اعمال ایدوب خدمتیچون دخی متعدد ساییلر تعین
 ایتلشدردر. چوق کچمکسزین حیوان مذکورک شهرتی بتون
 اور و پایه شایع اوله رق اصحاب مراق اشترا سیچون
 مبالغ جسمیه عرض ایتلشدردر. حیوان مذکور اوتوز یا شنه قدر
 واروب خیلی دولی ایتش و الیوم انگلترده بولنان جنس اتلرک اصلی
 اسب مذکوره منحصر اولدیغی روایات موثوقه دن بولنمشدر.
 (منیف)

(خلاصه پولیتیکه)

فرانسه

اوروپا دولتلری بینده اوتهدنبرو موجب نزاع و فساد اولان
 موادک بالاتفاق مذاکره و فصلی ضمنده حشمتلو فرانسه

امپراطوری حضرت تارینک پارسده عقیدینی تصور و تنسیب ایلدیک
مجلس مکلمه با نامه مخصوص اون طقوز حکمداری دعوت
ایلمش و حکمداران مشارالیه مدن اکثرینک اولباده نوجهله جواب
ورمش اولدقلری الیوم معلوم بولنمش اولمغله خلاصه ما لکری
بروجه اتی بیان قنور .

انکلتزه دولتی مجلس مذکورده اتخاذا اولنده حق قرارل صلحا
اجرا اولنده حق ایسه بوتک امکاتی اولمدیغندن اولباده مجلس
عقدی عیبه اشتغال دیمک اولدیغنی و اکرحرباً اجرا سنه
قیام اولنده حق ایسه اجتناب اولناب غوائل حریده نک دهنا
شدنه ظهورده کله جکنی بیان ایله قطعیا مخالفت کوسترمشدر .
روسیه دولتی اوروپانک آسایشنه خلل کلیمکسزین بین الدول
برحسن انصاق حصولی داعی اوله جحق بویله بر تدبیردن
استنکاف ایتمزایسه ده مجلس مذکورده نه مقوله مواد
مذاکره قلنه جغنی و بو اتفاق نه اساس اوزرینه مبنی اوله جغنی
خصوصلرینک اول امر ده تعیین اولنمش اقتصا ایده جکنی
بیان ایلمشدر .

پروسیا دولتی اوروپا مناسبات پولیتیه سنک بر حسن قاله
افراغی ضمننده اولوجهله بر مجلس تشکیلی لازم اولدیغنی
تصدیق ایله برابر حکمدارانک تجمعندن ایسه وکلارینک
عقد مجلس ایلمی مرجع بولندیغنی و ناپولیونک فسخنی لزومی
بیان ایلدیک ۱۸۱۵ سنه سی معاهده سنک فی الواقع بعض
شرائطی نقض اولنمش ایسه ده اساسنک اخلاادن وقایه سی
اقتضا ایده جکنی بیان ایلمشدر .

اوستریا دولتی ناپولیونک علوهمتی تقدیر ایلدکدن صکره
 خلاصه جوابی مجلس مذکورده موقع مذاکره یه قونیه جق
 موادک کندوسنه متعلق اولماسی ویاخود مطلق قونلق
 استئلورایسه اول امرده فرانسه ايله کندوسی یلنده
 بالتدکر حقنده خیرلو اوله جق بر صورتده قرار ویریلوب دیگر
 دولتلریالکز اشبوقراری تصدیق الملری اقتضا ایده جکنی
 بسط و بیان ایلشد ر.

ایتالیادولتی جمله دن زیاده مجلس مذکورک فوائدینی تصدیق
 وتسلیم ایدرک بلاقیود و شروط اولبایده اظهار موافقت ایتشد ر.
 اسپانیادولتی ایعراطور ناپولیونک اشبوامر مهمده جمله یه
 مسابقتی تبریک و کندوسنک دخی دعوت اولمنسندن طولایی
 بیان تشکر ایتدکن صکره او یله بر مجلسده کندوسنه عائد اوله رق
 میدان قونیه جق برشی یوغبسه ده مجرد عمومک امر و اسایشنه
 مدار اوله جق بویله بر تشبیده اشتراک ایتک اوزره طرفندن وکیل
 ارساله مهیا بولندیغنی تحریر ایلشد ر.
 پورتیکر دولتنک جوابی دخی سالف الذکر اسپانیانک جوابی
 وادیسنده در.

حشمتلو پاپا حضرتلری دخی اظهار کمال موافقتله حائز اولدیغنی
 مقام مقدسک دوچار اولدیغنی مصائب واکداردن شکایت
 ومن بعد کندوسنک هر درلو مخاطراندن امنیتی حقنده
 وقوعبولان مواعیدی اخطار ایتشد ر.

اسویچره جمهوری دخی کندوسنک بیطرفلغی برقاندها تأیید
 اولنق اوزره مجلس مکالمه یه دخوله اماده بولندیغنی بیان ایلشد ر.

بلچقا قرالنىڭ جوابى غايت مفيد و مختصر دىر شويلىه كه كند و سى
 اكثر يا دولت لر پيشده ظهور ايدن منازعاتك فصل بنجه حكم انتخاب
 اولنديغدن عموم اردو پانك صلح و اسايشنى داعى اوله جق بويلىه
 بر مجلسه دخولدن امتناع ايده مم ديمشدر.
 يونان قرالى دىنى ايمرا طور ك دصوتنه اجا بئله بالذات پارسه
 عزيمت ايده جكنى مشعر جواب ياز مشدر.
 دائيمارقه

دائيمارقه دولتى ايله ممالك متفقہ جرمانيا پيشده اوتة دنبرو منازع فيه
 ارلان هولشتاين و شلزويك دوقه لقلرى ماده سى پيكلرده دائيمارقه
 قرالى اوچنچى فريديريك و قوعبولان وفاتى اوزرينه تيجد ايدرك
 بودى شوا ئنده بر پيوك مسئله اولمش و حتى ممالك متفقہ مذكوره
 داخلنده بولنان اوستريا و پروسيا دولت لرى مذكور دوقه لقلرك جبراً
 ضبطى ضمنده اولمى طرفه قرق ييك عسكر سوق ايتىك نيتنده
 اولدقلرى روايت قلمشدر فقط انكلتره دولتى هر نه افكاره مبنى ايسه
 بو دفعه دائيمارقه يه صحابى كوستردى كندن بو مسئله نك بر صورت
 مصلحانه ده تسويه سى خصوصى ديت مجلسنه تكليف و بر طرفدن
 مذكور دوقه لقلره بر كونه تجاوز و قوعبولديغى حالده منعى ضمنده
 دوغما ارسال ايده جكنى اسماع ايلشدر . ا شبو مسئله نك اساسى
 غايت طولاشق و توضيح و بيانى زباده تفصيله محتاج اولوب حتى
 پيكلرده انكلتره پارلمنتوس سنده بوكا دائر بحث اولنديغى صره ده لورد
 پالمستون بو غايت طولاشق بر مسئله در مقدم لرى بر كره اكلامش
 ايدم فقط شمدى بلم تخطار ايده بيلور مى يمدشدر . مع مافيه ايلروده اصل
 و اساس نك ندن عبارت اولديغى ممكن مر تبه مختصر جه بيان ايدرز :